

HUKUM MENUKAR KAIN BALUTAN NISAN

Islam menganjurkan umatnya untuk menziarahi kubur agar sentiasa mengingati kematian dan hari akhirat. *Rasulullah Sallallahu 'alaihi wasallam* menyebutkan dalam sabdanya:

قَدْ كُنْتُ نَهَيْتُكُمْ عَنْ زِيَارَةِ الْقُبُورِ فَقَدْ أَذِنَ لِمُحَمَّدٍ فِي زِيَارَةِ قَبْرِ أُمِّهِ ، فَزُورُوهَا فَإِنَّهَا تُدَكِّرُ الْآخِرَةَ

Maksud: “Dulu aku pernah melarang kalian untuk menziarahi kubur, namun sekarang ketahuilah, hendaknya kalian menziarahi kubur kerana ia dapat mengingatkan kalian hari akhirat.”

(Hadis Riwayat at-Tirmizi, no. 1054)

Islam telah menetapkan adab dan larangan yang perlu dipatuhi ketika menziarahi kubur agar ziarah ini memberikan ganjaran kepada yang melaksanakannya. Antara adab-adabnya ialah mengucapkan salam dan berpakaian sopan dan seumpamanya.

Adapun perbuatan kebanyakan masyarakat Islam yang menziarahi kubur dengan menukar kain lilitan pada nisan yang dipercayai memberi manfaat kepada si mati merupakan kepercayaan yang ditegah oleh syarak.

Oleh yang demikian, umat Islam digalakkan untuk melakukan perkara-perkara yang sesuai dengan anjuran Islam berkenaan dengan adab dan larangan menziarahi kubur. Elakkan daripada melakukan perkara-perkara yang tidak mendatangkan manfaat seperti amalan melilit atau mengikat nisan. *Rasulullah Sallallahu 'alaihi wasallam* bersabda:

مِنْ حُسْنِ إِسْلَامِ الْمَرْءِ تَرْكُهُ مَا لَا يَنْفَعُهُ

Maksud: “Di antara kebaikan Islam seseorang itu adalah meninggalkan perkara yang tidak bermanfaat.”

JABATAN MUFTI SARAWAK

(Hadis Riwayat at-Tirmizi, no. 2317)

Kesimpulannya, umat Islam tidak digalakkan untuk **meletakkan kain balutan nisan dan menukar setiap tahun dengan niat** serta kepercayaan tertentu yang menyimpang daripada syarak bagi menutup jalan yang boleh membawa kepada perkara khurafat.